

90

18. júní

AUGLÝSING

um breyting á tímaákvörðunum og kærufrestum, er um ræðir í IV. kafla laga nr. 6 9. jan. 1935, um tekjuskatt og eignarskatt.

Samkvæmt heimild í i-lið 14. gr. laga frá 20. maí 1942, um breyting á lögum nr. 6 9. jan. 1935, um tekjuskatt og eignarskatt, hefur ráðuneytið ákveðið, að tímaákvörðunir og frestir samkvæmt 36., 37. og 38. gr. laga nr. 6 9. jan. 1935, skuli breytast svo sem hér segir við álagningu tekju- og eignarskatts árið 1942:

Í Reykjavík:

Skattskrá skal leggja fram fyrir 23. þ. m. og skal hún vera til sýnis til 7. júlí þ. á. á lögboðnum stað.

Kærufrestur til skattstjóra skal vera til 7. júlí þ. á.

Úrskurðir skattstjóra skulu felldir fyrir 20. júlí þ. á.

Fjármálaráðuneytið, 18. júní 1942.

F. h. r.

Magnús Gíslason.

Einar Bjarnason.

91

25. júní

SAMÞYKKT

fyrir fiskræktar- og veiðifélag Norðfjarðarhrepps.

1. gr.

Félagið heitir Fiskræktar- og veiðifélag Norðfjarðarhrepps. Heimili þess og varnarþing er á Skorrastað í Norðfjarðarhreppi.

2. gr.

Markmið félagsins er að auka lax- og silungsveiði á félagssvæðinu og arð af henni með því:

1. að alfriða Norðfjarðará og ár, sem í hana falla, í næstu 6 ár. Þó má leyfa stangarveiði frá 13. júlí til 7. sept.;
2. að flytja í hana lax- og silungsveiði eftir þörfum, eða reisa við hana klakstöð, ef hentara þykir;
3. að friðuninni lokinni, að reka lax- og silungsveiði fyrir alla félagsmenn á einum eða fleiri stöðum, eða leigja ána til stangarveiði, ef arðsamara þykir.

3. gr.

Félagið hefur umráð yfir öllum rétti til lax- og silungsveiði í þessum vötnum: Norðfjarðará og ám, sem í hana falla.

Félagsmenn eru allir eigendur og ábúendur þeirra jarða, er land eiga að nefndum vötnum: Ormsstaðahjáleiga, Ormsstaðir, Hof, Skorrastaður, Kirkjuból, Hólar, Tandрастаðir, Fannardalur, Seldalur, Skuggahlíð, Grænanes, Búlandsborg.

4. gr.

Óheimilt er öllum að veiða lax eða silung í vötnum þessum, nema með sérstöku og skriflegu leyfi félagsstjórnar. Skal þar tekið fram um veiðitíma og veiðitæki, og með hvaða kjörum leyfið er veitt.

5. gr.

91

Heimilt er félagsstjórninni að leigja ár á félagssvæðinu eða hluta af þeim ein-
stökum mönnum eða félögum, til stangaveiði, ef sýnilegt þykir, að það sé hagur
fyrir félagið. Þó má það leyfi eigi vera til lengri tíma en eins árs, nema lögmætur
fundur samþykki, og tekið hafi verið fram í fundarboði, að slíkt veiðileyfi yrði
til umræðu.

6. gr.

Félagið starfrækir lax- og silungsklak á þeim stað eða stöðum, sem félags-
stjórn velur, í samráði við fiskiræktarráðunaut.

Kostnaði við það skal jafna á félagsmenn eftir þeim hlutföllum, sem arðskrá
félagsins tiltekur.

Klekja skal út minnst 100 seiðum fyrir hvern lax, sem veiðist á félagssvæðinu.

7. gr.

Stjórnina skipa 3 menn: Formaður og tveir meðstjórnendur. Skulu þeir kosnir
á aðalfundi, til þriggja ára í senn. Ganga þeir úr stjórninni á víxl, þannig: For-
maður gengur úr eftir eitt ár, annar meðstjórnandi eftir hlutkesti, eftir 2 ár. Síðan
helzt sama röðin.

Enginn atkvæðisbær félagismaður getur skorazt undan kosningu, nema lögmæt
forföll hamli, eða hann hafi verið 3 ár í stjórn.

8. gr.

Stjórnin hefur á hendi umsjón með öllum framkvæmdum félagsins milli aðal-
fundar. Hún hefur eftirlit með því, að samþykkt félagsins sé hlýtt og má ráða mann
sér til aðstoðar, þó án kostnaðar fyrir félagið.

Formaður er fulltrúi félagsins út á við og hefur yfirumsjón með störfum fé-
lagsins og fjárreiðum þess öllum. Afl atkvæða ræður úrslitum mála á félagsfundum.

9. gr.

Aðalfund heldur félagið í janúarmánuði ár hvert. Skal hann boðaður skriflega
með minnst þriggja daga fyrirvara og geta fundarefnis í fundarboðinu.

Á aðalfundi skýrir stjórnin frá störfum félagsins á liðnu starfsári, leggur fram
áætlun og tillögur um starfsemi þess á næsta ári. Þar leggur hún og fram endur-
skoðaða reikninga félagsins og úrskurðar fundurinn um þá. Aðalfundur kýs stjórn
og tvo endurskoðendur félagsreikninga. Hann kveður á um laun stjórnar og ann-
arra starfsmanna félagsins. Afl atkvæða ræður úrslitum mála á fundum, nema um
breytingar á samþykktum sé að ræða eða félagslit.

10. gr.

Aukafund heldur stjórnin þegar henni þykir ástæða til eða ef $\frac{1}{4}$ félagsmanna
æskir þess og tilgreinir fundarefni.

11. gr.

Reikningsár félagsins er almanaksárið. Skulu reikningar fullgerðir fyrir aðal-
fund og lagðir þar fram endurskoðaðir til úrskurðar

12. gr.

Arð af sameiginlegri veiði, svo og öllum gjöldum, er af starfsemi þess leiðir,
skal skipt niður á félagsmenn samkvæmt arðskrá, sem lögmætur fundur samþykkir
og undirrituð er af $\frac{2}{3}$ félagsmanna. Gildir hún til 5 ára í senn. Náist ekki sam-
komulag um nýja arðskrá að þeim tíma liðnum, gildir gamla arðskráin áfram. Þó
getur sá, sem telur sig vanhaldinn í skiptum, krafizt mats á arðskrá.

91

25. júní

Eigi má úthluta arði samkvæmt 12. gr., fyrr en eftir aðalfund, enda tekjuafgangur á ársreikningi félagsins.

Verði útgjöld meiri en tekjur, skal jafna þeim niður á félagsmenn eftir þeim hlutföllum, sem arðskrá ákveður.

14. gr.

Brot á samþykkt þessari varða sektum frá 100—500 krónum og veiði eða andvirði hennar gerð upptæk og renni í félagssjóð.

15. gr.

Samþykkt þessari verður ekki breytt nema $\frac{2}{3}$ mættra félagsmanna á aðalfundi samþykki breytinguna.

16. gr.

Félaginu má slíta, ef $\frac{2}{3}$ félagsmanna samþykkja það.

Samþykkt þessi staðfestist hér með samkvæmt lögum nr. 112 9. október 1941, til að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 25. júní 1942.

F. h. r.

Vigfús Einarsson.

Páll Pálmason.

92

25. júní

ARÐSKRÁ OG GJALDSKRÁ

fyrir fiskrættar- og veiðifélag Norðfjarðarhrepps.

Arður og gjöld skiptast milli allra þeirra jarða, er hér eru taldar, og eftir þeim hundraðshlutföllum, er hér greinir:

	Hundraðshluti af arði eða gjöldum
Ormsstaðahjáleiga	3.90
Ormsstaðir	7.66
Hof	7.21
Skorrastaður	18.63
Kirkjuból	12.15
Hólar	13.47
Tandrastaðir	4.20
Fossárdalur	8.10
Seldalur	10.31
Skuggahlíð	6.63
Grænanes	6.63
Búlandsborg	1.11

Samtals 100.00

Arðskrá þessi staðfestist hér með samkvæmt lögum nr. 112 9. október 1941, til að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 25. júní 1942.

F. h. r.

Vigfús Einarsson.

Páll Pálmason.